

琴川三志補記卷二

城池

南沙故城通鑑注通州南岸蘇州常熟縣福山鎮卽東晉之南沙舊唐書地里志常熟縣隋治南沙城

海虞故城吳地記海虞縣北六里有虞山元和郡縣志常熟唐武德七年移治海虞城

海陽故城王峻府志永和初移郟朐利城出京口蕭齊於其地置海陽縣未詳所據按桑瑜縣志端委鄉海洋塘南通鶉城港北通千步涇入江陽與洋音同易訛疑卽海陽塘也

補記卷二

城池

信義故城崑山縣志眞義鎮卽古信義縣也

前京故城松江府志梁析海鹽東北境置前京胥浦二縣尋省胥浦併入前京隋以前京入常熟唐析前京入海鹽

興國故城無考按鮑廉琴川志開元鄉有興國里在縣西北三十里

支塘城陳三恪海虞別乘張士誠據平江塹白茆浦廣三十六丈以洩三吳之水築城於支塘南北跨鹽鐵塘東西跨白茆浦如潤州丹陽之制圍九里三十步高二丈廣一丈二尺顧祖禹方輿紀要誤以支塘城爲卽南

沙故城辨見後篇

穿山故場元史百官志兩浙都轉運鹽司其屬穿山場置司令一員從七品司丞一員從八品管勾一員從九品穿山舊屬常熟明宏治間割入太倉州

按支塘當江海交會素號重地穿山鮪權魚鹽亦邑東南一聚落也其城與場均屬元代遺蹟故附錄于末

運河龔志自鎮海門入

北水門

南達顯星橋按運河今通

流一由興賢橋西入學前河即琴川第一絃也一由顯星橋東出小東門水關

補記卷二

城池

二

山塘涇桑志在虞山前東通城濠西接小山港兼指城外之涇也龔志自西東注合流出翼京門俱在闌闔中專指城內之涇也按城內山塘涇今通流一由范公橋南入西涇一由八字橋折而南達望仙橋左合琴川第一絃右出南水關

西涇龔志自范公橋南下分注城濠按西涇疑舊城濠也其由小石橋西通九萬圩又北流出西水關明嘉靖前尚在城外今西城根有常熟田蓋天字號第一坵小洋子涇鮑廉志在縣治前殆與琴川第三絃混而無別又云北沿虞山趾貫絡邑中其曲折方向亦未分晰

指明按小洋子涇乃琴川第七絃也北接福山塘之水
由小洋子橋西注山麓循麓迤邐流經興賢池影娥川
石梅澗南入焦尾溪

焦尾溪桑志在縣西上有迴龍廣義二橋南通山塘涇
北接石梅澗遺跡尚存按道街西孫氏映雪山居有溪
流如帶疑是焦尾溪故道其東注于慧日寺前其南由
廣義橋入山塘涇今皆侵塞

元州城考

宋常熟縣城周二百四十步琴川志云今不存元升縣
為州至正間張士誠據平江始築州城周九里三十步
明桑瑜志云即今址是也成化後僅存遺堞夷為民地
嘉靖間以防倭展築始環山為城而州城故蹟諸志未
詳廷鑑考洪武中縣給李阿演開墾印帖有山地除東
嶽行宮基外實算二十六畝三角之文則爾時虞山東
麓未入城內其北半巢居其南天字號九萬圩俱在城
外城與山兩不相屬援据開墾帖文可證乃陳祖范昭
文志云騰山為城殆必始於張氏今山頂藏軍洞演武

補記卷二

城池

四

場皆其遺蹟殊不知州城密邇山麓其山巔之厯厯藏
軍洞皆重兵屯守表裏互為聲援正合犄角機宜決不
出連鷄下策審矣至明嘉靖間承平日久武備廢弛惟
惛倭踞山巔反占地利不得已而展拓環山權濟一時
亟爾如陳志云云直誤會姚廣孝沈似潛詩句其亦未
審於當時之形勝矣乎姚詩城半在山高沈詩十里青
山半入城陳志引以為證按張
著甲午立春登虞山集致道觀詩行出西郭駕言登
海虞吳訥虞山詩山名自虞仲邑城據其東屈冲霄大
石山房詩題原注西郭外百步許此皆嘉靖未築縣城
以前人士各有專集是虞山之在城外益信而有徵矣
至若姚沈二人之句乃詩人寫景形
容往往求工失實未足為左證也夫盧鎮續志在元
末張洪新志在明初兩人皆及見州城者惜篇籍久逸

言人人殊作州城考
裏桑瑜志
延袤首列
舊城圖
卽州城也
表

有乾元宮極目亭俱列城內
之訛因論州城併附辨之

補記卷一
城池

讀史方輿紀要南沙廢城辨

支塘去縣城東五十里而近元季張士誠嘗築城于此至今遺址尚存顧祖禹讀史方輿紀要云其地卽南沙廢城則誤矣按海虞南沙自晉置縣後併析紛更究未詳其實土杜佑通典稱漢置司鹽都尉于海虞西北南沙鄉由是知南沙西北枕江而海虞東南濱港方位始克了了杜佑去六朝未遠其說必有所據以杜例顧迺大有逕庭雉堞名虛錯認南沙之治屋樓境幻訛傳東海之封故老傳聞不如載籍載籍極博不如史傳考晉書咸和五年石勒將劉徵先寇南沙進入海虞其證一

補記卷二

城池

六

也又考吳志裴松之注孫權時合莫舉火西陵三鼓竟達吳郡南沙其證二也又考通鑑胡三省註通州南岸蘇州常熟縣福山鎮卽東晉之南沙其證三也夫南沙晉縣而溯在福山者有明文支塘元城而指爲南沙者無實據互勘則是非各見研覈則傳會立彰讀史謂何紀要謂何祖禹爲吾鄉譚出居宛山有年與土著無異加負海內重名支塘云云後人易爲所惑是以百數十年來襲謬承譌莫敢糾正甚且引其臆說竄列圖經抑亦邦人士與有責也夫爰歷據三證目辨其誤俾曉然南沙城之所在後有作者尙考信於斯文

明琴川考

范成大吳郡志梧桐園在吳宮本吳王夫差園一名琴川此琴川見諸圖經之落俶也鮑廉琴川志始著其地縣治前後橫港凡七皆西受山水東注運河如琴絃然今僅存一二通流餘皆湮塞桑瑜常熟志始析其條第一在今縣南學士橋下第二在鎮橋下第三在縣橋下第四在慧日寺前香花橋下第五在黃柏橋下第六在倉浜橋下第七在小洋子橋下龔立本志又歧其說第一在儒學前第二在鎮橋下第三在縣橋下第四在慧日寺前第五在市曹橋下第六在黃柏橋下第七在靈

補記卷二

城池

七

公殿前橋下或云第五在黃柏橋第六在倉浜橋第七在小洋子橋桑龔兩志互異如此考舊志市曹橋在沈家橋西舊有市司設此沈家橋在縣治西南又名染子橋是市漕橋在慧日寺之南不應稱第五也又靈公殿前橋舊志俱未載無憑考據故龔志亦不堅持其說則琴川七絃當以桑志爲近是惟黃柏橋湮沒無存相傳在言公東巷其左有言子橋蓋由黃柏橋下東出言子橋今巷北浜巷之所由來也夫不覈諸家之志乘不揆往蹟之情形聚訟膠轕徒屬辭費廷鑑爰据桑志琴川七絃所在以補鮑志之畧尙俟博雅君子是正焉

